

Okovana okovima

Sva okovana okovima sam slobode
Sva okovana okovima sam slobode
Ja, prijatelju, rob sam, a gospodar mi sloboda

Ako žena od tebe bolja nije, poput tebe je
Makar riječ je moja tvom ponosu suprotiva

Na putu borbe za sebe i svoje vrste pravo
Pod noge ja bacih tradiciju i običaje

Spalite me!

Spalite me
I pepeo moj
Prospite po slobodnoj volji mora
Niti u jezero
Niti u rijeku
Jer umorna sam od stjenovitih obala
I od zatvorenih granica

Dah i uzdah

Od nevjerstva do vjere tek jedan je dah,
Od sumnje do vjerovana – opet samo uzdah.
Stog' štuj ovaj dragocjen dar života,
Jer čitav nam je život tek puki uzdah.

Žena ljubavlju vezana

Nas se ne može strijeljati,
Niti u tamne ćelije strpati!
One što ljubavlju su spletene,
Ne može se za kuću vezati!

Postojanje

Nakon smrti sveg što biva, samo vjetar ostaje,
Nakon onog čega nema – ni smrt ne preostaje.
Sve ono što biva, u biti ne postoji – znaj!
A ono čeg' nema, u svijetu biva – i to znaj!